

ATODLEN 7

PARTNERIAETHAU

RHAN 6

TRAFODIADAU ERAILL SY’N YMWNEUD Â PHARTNERIAETHAU

Rhagarweiniad

- 28 Mae’r Rhan hon o’r Atodlen hon yn gwneud darpariaeth ynghylch—
- trafodiadau sy’n ymwneud â throsglwyddiad o bartneriaeth i bartneriaeth, a
 - trafodiadau pan ffurfir partneriaeth yn llwyr gan gyrff corfforaethol.

Trosglwyddo buddiant trethadwy o bartneriaeth i bartneriaeth

- 29 (1) Mae’r paragraff hwn yn gymwys—
- pan drosglwyddir buddiant trethadwy o bartneriaeth i bartneriaeth, a
 - pan fo’r trosglwyddiad—
 - yn drafodiad y mae paragraff 13 (trosglwyddo buddiant trethadwy i bartneriaeth) yn gymwys iddo, a
 - hefyd yn drafodiad y mae paragraff 21 (trosglwyddo buddiant trethadwy o bartneriaeth) yn gymwys iddo.
- (2) Nid yw paragraffau 13(3) ac 21(2) yn gymwys.
- (3) Cymerir mai’r gydnabyddiaeth drethadwy ar gyfer y trafodiad yw’r hyn a fyddai pe bai paragraff 13(3) yn gymwys neu, os yw’n fwy na hynny, yr hyn a fyddai pe bai paragraff 21(2) yn gymwys.
- (4) Pan fo’r holl gydnabyddiaeth drethadwy ar gyfer trafodiad, neu ran ohoni, ar ffurf rhent—
- nid yw paragraff 31 yn gymwys;
 - cymerir mai’r dreth sydd i’w chodi mewn cysylltiad â hynny o’r gydnabyddiaeth drethadwy sydd ar ffurf rhent yw’r mwyaf o—
 - y dreth a fyddai i’w chodi pe bai paragraff 31 yn gymwys mewn perthynas â thrafodiad y mae paragraff 13 yn gymwys iddo, neu
 - y dreth a fyddai i’w chodi pe bai paragraff 31 yn gymwys mewn perthynas â thrafodiad y mae paragraff 21 yn gymwys iddo;
 - mae datgymhwyso’r band cyfradd sero y darperir ar ei gyfer gan baragraff 34 o Atodlen 6 yn cael effaith pe bai wedi cael effaith pe bai paragraff 31(6) o’r Atodlen hon yn gymwys.

Trosglwyddo buddiant trethadwy o bartneriaeth a ffurfir yn llwyr gan gyrff corfforaethol

- 30 (1) Mae’r paragraff hwn yn gymwys—
- pan geir trafodiad y mae paragraff 21 yn gymwys iddo;
 - pan fo, yn union cyn y trafodiad, yr holl bartneriaid yn gyrff corfforaethol;
 - pan fo swm y cyfrannau is yn 75 neu’n fwy.
- (2) Mae paragraffau 21 ac 31 yn cael effaith gyda’r addasiadau a ganlyn.

- (3) Mae paragraff 21 yn cael effaith fel pe bai'r canlynol wedi ei roi yn lle is-baragraffau (2) a (3)—
- “(2) Cymerir bod y gydnabyddiaeth drethadwy ar gyfer y trafodiad yn hafal i werth marchnadol y buddiant a drosglwyddir.”
- (4) Mae paragraff 31(2) yn cael effaith fel pe bai “is-baragraff (5)” wedi ei roi yn lle “is-baragraffau (3) i (6)”.
- (5) Mae paragraff 31 yn cael effaith fel pe bai is-baragraffau (3), (4), (6) a (7) wedi eu hepgor.